

बागड़ी गी तिमाई पत्रिका

आपणो बागड़, आपणी बोली



2019

अपरेल ॐ जून

आडी (पहेली)

1. उजाड़ मं झींटा खिंडाया
खड्यो है – सरकणो
2. दो बां हैं नस कोनी
सीताहरण करणै मं काबल है
ना ई राम है ना ई रावण - कोट

मुहावरा

1. जांवतैं चोर गा झींटा ई चोखा – भागते
हुए चोर से कुछ भी हाथ लग जाये वहीं
अच्छा है।
2. जावण लाग्यां दूद जमै –
ठण्डे स्वभाव से हर काम को किया जा
सकता है।
3. जकै गाम मं लोभी बसै निस्थन भुखो
सोवै वर्युं – तालची बोहरा अधिक ब्याज के
तालव में गरीब को भी उधार देता है।

सुविचार

1. सगलां नै पढाओ, संस्करति बचाओ।
2. रिपिया नै मोल खुसी ना खरीदो, जीवतैं जी बेटी नै ना बेचो अर ना खरीदो।
3. पुराणी सोच नै अब कोनी निभाणी, नूई समाज की नूई सोच ल्याणी।
4. आओ पर्यावरण बचावां, सगलां गो जीवन चोखो बणावां।

सिरकारी योजना

कमाई – खुद सायता गुट (स्वयं सहायता समूह)

“जिला ग्रामीण विकास संस्था” गो मकसद है लोगों गो सायता गुट बणाणो अर फेर छोटो काम-धंदो सुरू करनो।

1.समन्दी विभाग

केन्दर सिरकार:- “ग्रामीण विकास मंत्रालय” गी बेबसायट पर देखो।

राजस्तान सिरकार:- “जिला ग्रामीण विकास अधिकारी और पंचायती राज” गी बेबसायट पर देखो।

2.हक

“स्वर्णजयंती ग्राम स्वरोजगार योजना” ई बेबसायट पर देखो।

* हरेक बलोक गै परवार गो 10 ऊं 20 लोगों गो “खुद सायता गुट” बणाणै खातर बुलावो द्यां हां।

* थोड़ै टेम बाद “खुद सायता गुट” बैंक ऊं लोन खातर लायक है।

* “खुद सायता गुट” आपगो काम-धंदो सुरू करै है।

3.अरजी गो तरीको (कामयाबी गो मोको 50 परतिसत) टेम गी हद 6 महीना)

* “जिला ग्रामीण विकास अधिकारी” गी बेबसायट पर देखो।

4.दाब (जे अरजी कामयाब ना होवै तो)

* “जिला ग्रामीण विकास अधिकार” गी बेबसायट पर देखो।

भजन

मुखड़ो के देखै दरपण मं

दया-धरम कोनी मन मं मुखड़ो के देखै दरपण मं.....टेर

कागद गी एक नाव बणाई, छोडी गैरै-जळ मं.....।

धरमी-धरमी पार उतरग्या, पापी डुब्या जळ मं.....।।

मुखड़ो के देखै दरपण मं.....टेर

पेच मार गे बांदै पगड़ी, तेल लगावै झुलफन मं.....।

इण ताली मं घास उगैला, ढोर चरैला बन मं.....॥

मुखड़ो के देखै दरपण मं.....टेर

आम गी डाळी कोयल राजी, सूआ राजी बन मं.....।

घरवाळी तो घर मं राजी, तपसी राजी बन मं.....।।

मुखड़ो के देखै दरपण मं.....टेर
कोडी-कोडी माया जोड़ी, जोड़ धरी बरतण मं.....।
केवै कबीर सुणो भाई साधो, रेगी मन गी मन मं.....॥
मुखड़ो के देखै दरपण मं....टेर

धमाल

धोळागड मं राज

अहे...धोळागड मं ए राज तुम्हारो देबी ए धोळागड मं...टेर
अहे...के गज ऊंचो थहारो रे भवन देवरो...॥
के गज ऊंडी गज नींवड़ली रे धोळागड मं...टेर
अहे...नो गज ऊंचो थहारो रे भवन देवरो...॥
दस गज ऊंडी थहारी नींवड़ली रे धोळागड मं...टेर
अहे...के लख आवै थहारै रे बाळक बांजड़ी...॥
ए के लख आवै रे झड़लै वाळी ए धोळागड मं...टेर
अहे...नो लख आवै थहारै रे बाळक बांजड़ी...॥
दस लख आवै रे झड़लै वाळी रे धोळागड मं...टेर

भजन

मन रे पीले नाम गो होको।

मन रे पी ले नाम गो होको। टेर
फेर हवै नहीं धोखो
मन रे पी ले नाम गो होको। टेर
नाम गो होको चिलम जरणा गी नेचगो बांधो नेछो
सत सबदां गी नड़ी लगाले आवै तमाखू चोखो
मन रे पी ले नाम गो होको। टेर
विरह गी अग्नि लगन तमाखू
धीरे-धीरे धूवो रोको

ई होकै नै कोई हरिजन पीवै पावै मुक्ति गो मोको
मन रे पी ले नाम गो होको। टेर
जे थहारी चिलम धूवो ना देवै फेरो बिराग वाळो
डोको
खांचो घूट होवै उजिआळो देखो अजब झरोखो
मन रे पी ले नाम गो होको। टेर
करिया भजन सेन दी सतगुरू काया नगर नं गोखो
कह परेमदास ऐसो परेम लगाओ
लाग्यो परेम होयो सोखो
मन रे पी ले नाम गो होको। टेर

वहाणी

मोत गी खुसी

एकर एक बादस्या आपगै मंतरी ऊं निराज होग्यो, पण मंतरी नै ई बात गी चिंता कोनी ही। बो भगवान गो भगत हो। बादस्या जद भी मंतरी नै देखतो, बिनै लागतो बो भगवान नै मान'र बिंगो अपमान करै। असल मं बादस्या खुद नै भगवान ऊं ई मोटो मानतो। बादस्या गी जलन बदती गेई अर एक दिन बो गाडो बिचार कर्यो कि बिंगै जलम दिन गै मोकै पर बो बिनै फंदै पर लटका देसी। मंतरी गै जलम दिन पर बिंगै कुणबै गै माई मोटी पाल्टी राखी अर भजन-कीरतन गो कारयकरम राख्यो। बिमै बोळा मिनख आया। जना बादस्या गो दूत एक लिखेड़ो परवानो ले'र आयो। मंतरी परवानै नै पड़्यो अर मसती मं नाचण लागग्यो। जद बादस्या नै ई बात गो ठा पड़्यो तो बो मंतरी गै घरै गेयो अर बोल्यो, तनै ठा है नी कि आज आथणगै छ बजे तनै फंदै पर लटका दियो जासी। मंतरी बोल्यो, जी महाराज जद ई तो मैं मेरी मोत गी खुसी मनाऊं हूं। जलम दिन अर सुब दिन पर सगळा मिनख आपणै सागै होवै, पण ईयां गा भागी कम ई होवै जका मोत गै दिन आपगै मिनख गै सागै होवै। मैं ई जुग नै सगलां गै बीच गै माई नाचतो अर गावंतो छोड'र जास्युं। खुसी गो इं ऊं मोटो मोको ओर के हो सकै है? आ सुण'र बादस्या चक्कर मं पड़ग्यो। बीं टेम ई मंतरी गी सजा माफ करदी अर खुद भी बिंगै जलम दिन पर नाचण लागग्यो।

सीख:- मोत नै देख'र घबराणो नई चईयै।

कहाणी

भेळा मं ई तागत होवै हैं

एकर एक सिकारी कबूतरां नै पकड़न खातर जाळ लगायो। थोड़ी सी देर मं बिमै कबूतर आर फसग्या कबूतर बारै निकळन खातर भोत जोर लगायो फेर बी बे बारै कोनी निकळया बामै एक डिमाकी कबूतर हो बण केयो जे आपां सगळा मिलगे जोर लगावां तो आपां ई जाळ नै लेगे उड जास्यां बां सगळां मिल गे जोर लगायो अर बे जाळ नै लेगे उडग्या।

सीख- भेळां मं ई तागत हवै है।

सम्पर्क

निर्माण सोसायटी

57 एन पी, रायसिंह नगर, श्रीगंगानगर,

राजस्थान-335051

संपादक

श्रवण कुमार, मुकेश कुमार योगी

और रतन लाल योगी

Mob.-7073195304, 9660663776

Email- rajasthanlanguages@nirmaan.org.in

Web- www.nirmaan.org.in